

Bantu pekerja tingkat kemahiran

Bernama *MDEC perluas program pembangunan*

Kuala Lumpur

Perbadanan Ekonomi Digital Malaysia (MDEC) akan terus memperluas program pembangunannya selain berhasrat membantu pekerja mendapatkan kemahiran bagi peralihan digital.

Ketua Pegawai Eksekutifnya, Surina Shukri berkata, MDEC akan turut meneruskan inisiatif bagi membangunkan pekerja mahir digital untuk kebolehpasaran pekerjaan serta padanan kerja.

"Terdapat anjakan daripada pekerjaan tradisional yang memerlukan penerapan teknologi dengan agenda utamanya dari segi meningkatkan kemahiran dan latihan kemahiran semula.

"Kami menumpukan perkara itu dan mempunyai mandat bukan saja untuk melatih, tetapi membantu mereka ditempatkan dalam kira-kira 15,000 pekerjaan baharu pada tahun



depan," katanya.

Beliau berkata demikian dalam temu bual program *The Nation Bernama TV* yang bertajuk 'MDEC: Budget 2021' di sini, semalam.

Menurut Surina, ada di antara pekerjaan itu memerlukan pemahaman mengenai perisian komputer terbaharu dan aspek itu turut diberi perhatian oleh MDEC.

MDEC menerima peruntukan bernilai RM100 juta menerusi Belanjawan 2021 bagi mempermudah peralihan tenaga kerja sedia ada

agar dapat memenuhi keperluan industri teknologi maklumat dan komunikasi.

Beliau berkata, agensi itu akan terus bekerjasama erat dengan Kementerian dan rakan strategik bagi menyokong program siswazah teknologi digital di pusat berstatus Institusi Teknologi Digital Perdana dan institusi kemahiran lain.

Bidang tumpuan lain pula adalah e-dagang dan

MDEC akan terus menggalakkan penyertaan perusahaan mikro kecil dan sederhana (PMKS) ke dalam digital menerusi kerjasama dengan rakan seperti syarikat bank dan telekomunikasi, kata Surina.

Menurut Surina, MDEC juga akan meninjau peluang pelaburan dan selain terus menggalakkan pembangunan pusat data.

Pada masa sama, beliau menekankan kepentingan meningkatkan aspek pelaksanaan pada 2021 bagi memacu kesiapsiagaan digital Perusahaan Kecil dan Sederhana (PKS).

"Kami (MDEC) turut mencabar diri sendiri bagaimana MDEC dapat mencipta semula diri, terus melangkaui sempadan dan lebih inovatif serta dapat melaksanakan lebih banyak perkara," katanya.

“
Terdapat
anjakan daripada
pekerjaan tradisional
yang memerlukan
penerapan teknologi
Surina Shukri